



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Liber De Regno Dei, De Qvo Christvs Loqvvtvs Per Dies  
quadraginta**

**Flavin, Melchior de**

**Parisiis, 1566**

De iustitia regni Christi.

**urn:nbn:de:hbz:466:1-29986**

tiam, & Euāgelium affert gratiam, quam  
consequimur per Christum. Ioan. i. Lex  
per Moysen data est: quæ explicata est  
per Christum. Mat. 5. 6. 7. 12. Ioan. 4. & 7.  
Mala. vlt. Conuertet corda filiorum ad  
patres, vt idem credant quod patres, &  
eodem modo intelligant legem, cuius in-  
tellectum corruperant Pharisei. Matth.

Ioan. 1.  
Matth. 5. 6.  
7. 12.  
Ioan. 4. & 7.  
Mala. vlt  
Matth. 5. &  
15.

*De iustitia regni Christi.*

C A P. 39



Ex & iustitia regni Christi,  
arguit per spiritum sanctum  
mundi iustitiam. Ioan. 16. ar-  
guit mundum de peccato,  
& de iustitia. Notandum ta-  
men est ex doctrina Pauli, quod triplex  
est iustitia, opposita triplici generi pecca-  
ti. Vnum dicitur crimen. i. Timot. 3. & ad  
Tit. 1. quod punitur à iustitia ciuili, cui op-  
ponitur iustitia legalis, qua homo cauet  
crimina ne possit accusari, & euadat pœ-  
nas legis, consequaturque promissa tem-  
poralia legis. Esa. 1. Rom. 10. viuet in illis.  
Illa est iustitia regnorum huius sæculi ci-  
uilis, quæ est ex operibus: cuius præmium

Ioan. 16.  
1. Timo. 3.  
Tit. 1.  
Esa. 1.  
Rom. 10.

Q ij

est honor, gloria, æstimatio. Illa suum ius  
 vnicuique tribuit. vide Cic. lib. 1. & 2. Of-  
 fic. & 2. de Inuent. & 2. posterioris Rhetorice,  
 cuius species sunt religio, metus deo-  
 rum, cæremonia, pietas erga patrē & pa-  
 rentes, gratia id est memoria beneficiorum;  
 remuneratio amicitiarum, obser-  
 uantia erga eos qui præminent dignita-  
 te, ætate, sapientia, vindicatio, veritas in  
 promissis, nulli nocens, nulli officiēs: hæc  
 conseruat societates hominum & firmat  
 Respublicas. Cicero 1. de leg. Talis habet  
 hîc suum præmium, vt Romani 5. de Ci-  
 uit. quibus datum imperium, sic Cyrus &  
 Tamberlanes victor totius Asiæ, & me-  
 lioris partis Europæ, cum duodecies cen-  
 tū millibus anno 1405. tales sunt qui pœ-  
 nitent ob pestem, & alias plagas Dei. Illi  
 habent hîc benedictiones Esaii, id est fœ-  
 licitatem rerum sæculi, & mitiùs punien-  
 tur in alio sæculo. Illa (inquam) seruit plus  
 sibi quàm Deo, & est seruorum nō filio-  
 rum timore pœnæ, vel amore commodi,  
 & nō Dei obseruata. Illa gignit hypocri-  
 tas superbos mente cordis sui. Luc. 1. fal-  
 sos & temerarios iudices aliorum, quales  
 erant Pharisei. Luc. 7. & 18. Illam arguit

Gen. 27.

Luc. 1.

Luc. 7. &amp; 18

spiritus sanctus, vt insufficientem ad salutem externā, sine interiori: quam Deus qui scrutatur corda requirit in spiritu & veritate. Aliud autem genus est peccati, originis, natale, alienum, de quo Romanorum 5. istud facit priorem iustitiam nō esse bonam. non potest arbor mala bonos fructus facere. Vnde Esaiaē 64. Facti sumus immundi omnes, & omnes iustitiæ nostræ tanquam pannus menstruatae. Omnium (inquit August.) infidelium vita peccatum est. Vbi enim deest cognitio veræ sempiternæque veritatis, falsa virtus est etiam in optimis moribus. Istud incurabile est viribus humanis, quod etiam post baptismum remanet actu, donec absorbeat quod mortale est. Rom. 7. & 8. Psal. 77. Recordatus est quia caro sunt, spiritus vadens, id est anima, per quam concupiscit caro, donec erit vadens id est vsque ad mortē, sed non rediens, id est anima cum redibit ad corpus, nō erit carnalis. imō ipsum corpus erit spirituale. 1. Cor. 15. Illud vocant Hebræi יוֹרֵעַ הַיְּמִינִים iustitia huic contra-ria est originalis, non illa prima qua donatus fuit homo ante peccatum, quam

Rom. 5.

Esa. 64.

Acta spiritus infidelitatis.

Rom. 7. 8.

Psal. 77.

1. Cor. 15.

Vide midras Tehilim.

Q iij

Ioan. 1.

amisit, sed est ab origine & natiuitate se-  
cunda, de qua Ioan. 1. Dedit eis potesta-  
tem filios Dei fieri his, qui credunt, &c.  
Et tertio nisi qui renatus fuerit ex aqua  
& spiritu sancto, &c. Illa est aliena, scilicet

Rom. 5.

Christi. Rom. 5. Per vnus iustitiam iu-  
sti constituntur multi. Hæc fit nostra per  
fidem quæ nunciatur in euāgelio. Rom.  
1. Iustitia Dei in eo reuelatur: sequitur, iu-  
stus autem ex fide uiuet. Hæc est iustitia

Ephes. 1.  
Rom. 8.

non legis, sed gratiæ fundamentum, &  
tota substantia hominis Christiani, quæ  
facit nos Deo gratos, & opera nostra: ta-  
meti imperfecta. Eph. 1. gratificauit nos,  
& Rom. 8. Nihil damnationis est iis, qui

Ephes. 1.  
Rom. 8.

sunt in Christo Iesu, &c. Facit Christum  
nostrum cum omnibus quæ eius sunt.  
Enimvero Adam primus, est forma futu-  
ri Adæ, id est Christi. Roma. 5, quemad-

Rom. 5.

modum enim ille communicat omnia  
mala sua filiis, ita Christus sua bona filiis  
suis fide. Illa est gratia noui testamenti, iu-  
stitia æterna, sicut Christus est æternus:  
de qua Dan. 9. & Roma. 14. & Matth. 21.

Dan. 9.  
Rom. 14.  
Matth. 21.  
Zach. 9.

ex Zach. 9. Ecce rex tuus venit tibi iu-  
stus, ut te iustificet, non ut puniat: nō au-  
dis equos, nō arma, sed asinum & oliuas.

iustitiam autem vocant Hebræi summam  
morum rectitudinem, & absolutam bo-  
nitatem: sicut apud nos iustitia est nomē  
commune omnium virtutum. Iustitiam  
verò punitivam vocat scriptura iudiciū.

Gen. 15. & 13. Iudex populorum Psal. 61. Gen. 13. 15.  
Psal. 61.  
1. Cor. 11.  
id est vindex vt i. Corinth. 11. Si nos ipsos  
diiudicaremus, non utique iudicaremur:

hoc etiā tribuit scriptura Christo, quod  
faciat iudicium & iustitiam in terra. Esa. Esa. 8.  
Hier. 22.  
8. & Hierem, 22. 2 Reg. Sed illud iudiciū  
reseruauit in secundo aduētū Ioan. 3. ve-

nit non vt iudicet mundum. Tunc dies  
iræ & iudicij Rom. 2. Matth. 25. 1. Cor. 4. Rom. 2.  
Mat. 25.  
1. Cor. 4.

2. Timoth. 4. Act. 3. & 10. Iustitia regni est  
benedictio, misericordia, gratia Dei no-

bis collata in Christo. 1. Corint. 1. de qua 2. Timoth. 4.  
Act. 3. & 10.  
1. Cor. 1.  
Esa. 56.  
Esa. 56. Iuxta est salus mea vt veniat, & iu-

stitia mea vt reueletur. Interna spiritualis  
fidei euangelij gratiæ quæ ex amore im-

plet legem, habens Christum, qui est im-  
pletio legis. Rom. 10. qui dat spiritum san- Rom. 10.  
Ioan. 6.  
ctum Ioan. 16. per quem est iustificatio

legis iis, qui secundum spiritum ambulāt:  
quæ iustificatio nō est vt illorum qui fal-  
so per calumniam accusati declarantur  
in fontes, sed est remissio eorum qui con-

Q iij

uicti de peccato, per legem fiunt iusti, &  
 absoluuntur per Christum (cui & iustitiæ  
 eius sumus inferti per fidem) perinde at-  
 que non peccassemus. Lex arguit & con-  
 uincit nos de peccato, & adigit ad cōfes-  
 sionem criminis, confessos pronunciat  
 peccatores, & damnat: damnati recurri-  
 mus fide ad Christum, quia sententia illa  
 nos absoluit, dat peccatorum remissionē,  
 & iustitiam, qua ex malis simus boni per  
 spiritum sanctum, quem dat, remittit pee-  
 cata, & renouat voluntatem nostram, fi-  
 des impetrat hæc sine merito suo, alias  
 non esset gratia. Primus quidem motus  
 quo tendimus in Deum, est per fidem,  
 Heb. 11. & Ephes. 2. per quam Christus ha-  
 bitat in nobis. Ephes. 3. quæ non est sine  
 charitate, per quam etiamnum dicitur  
 Deus manere in nobis. Ioan. 14. & 1. Ioā.  
 4. Nam fides nobis explicat meritum  
 Christi, & certificat nos de remissione  
 peccatorum. Hæc duo complectitur: pri-  
 mō habitum, quo absque vlla hæsitatio-  
 ne assentimus iis quæ à Deo pro salute  
 nostra ecclesiæ reuelata sunt, scripto vel  
 viuæ vocis oraculo, viuâq; Christi tradi-  
 tione, aut Apostolorum, quos docuit per

Hebr. 11.

Ephes. 2.

Ephes. 3.

Ioan. 14.

1. Ioan. 4.

40. dies. Act. 1. ea quorū non erāt capaces *Act. 1.*  
ante mortē Christi, Ioā. 16. Secūdo cōple *Ioan. 16.*  
titur ultra mētis ascēsum firmā fiduciā,  
qua fidelis Dei verbo, veritatiq; ita inni-  
titur, ita fedit, vt habeat illud certū quod  
verbo promittitur, perinde atque manu-  
teneret, & non timeret aggredi quæcūque  
pericula, si Deus iubeat. Prima illa fides  
communis est omnibus, & æqualis. Nam  
si erraret, in vno credendorum non esset  
vera fides, cū tota fides infusa amittatur  
per vnum solum errorem, vt & tota gra-  
tia per vnum mortale peccatum: sic vt de  
aliis credendis non habeat nisi opinio-  
nem. Ideo facilè errabit in aliis articulis  
fidei. Sed ista secunda, scilicet fiducia, nō  
est æqualis in omnibus. *Matth. 8.* obiurgat  
Christus Apostolos, vocans eos modicæ  
fidei, & Petrum, *Matth. 14.* Modicè fi-  
dei quare dubitasti? efferēs fidem Cana-  
neæ quòd esset magna, *Matth. 15.* & cen-  
turiōnis, *Matth. 8.* illam requirebat Chri-  
stus ab iis quos sanabat, *Matth. 8. 9. 15. 17.*  
*Matth. 8. 9.*  
*15. 17.*  
*Mar. 11.*  
*Iac. 1.*  
*Marci 11.*  
*Iacobi 1.*  
Marci 11. Credite quia accipietis, & fiet  
vobis, & Iacobi 1. postulet in fide, nihil he-  
sitans. Hæc habet sua incrementa & pro-  
fectus, hæc stabilit nostram voluntatem

instabilem, & animum, quæ maximè requiritur ad miracula. Est & alia fiducia à charitate mutua, quæ est ex Dei amore. Vnde Deum amantes, non dubitamus nos amari à Deo, illique esse curæ quicquid accidat. Quare bonis Dei vt nostris vtimur. Nam amicorum omnia communia, & sic pij sæpius solo iussu, imperio, & non oratione operantur miracula. Iosue 10. ex secundo dialo. Gregorij. Illa iustitia solius regni Christi est: Idcirco diffidentes de verbo Dei, reijciuntur à suo regno: iustitia autem punitiua vtuntur leges, Rom. 13. & 1. Pet. 2. Vnde Pharao commune nomen Regum Ægypti, significat ultionem. Gen. 47. Nabucodonosor dicitur planctus iudicij vel coarctans iudicium. At rex noster Christus non est Pharao, non Nabucodonosor, sed Iesus, qui venit vt saluet. Zach. 9. Ecce rex tuus venit tibi iustus & saluator, qui venit nobis, non contra nos, vt iustificet nos, & reconciliet patri. Matth. 1. Saluum faciet populum, &c.

Iosue 10.

Rom. 13.  
1. Pet. 2.  
Gene. 47.

Zach. 9.

Matth. 1.

iust  
iust  
cle  
stit  
li,  
Ista  
iust  
tium  
te e  
pro  
7.8  
cre  
De  
mu  
fun  
mit  
iud  
ope  
atto